



BOSNA I HERCEGOVINA – БОСНА И ХЕРЦЕГОВИНА - BOSNIA AND HERZEGOVINA
FEDERACIJA BOSNE I HERCEGOVINE - ФЕДЕРАЦИЈА БОСНЕ И ХЕРЦЕГОВИНЕ -
FEDERATION OF BOSNIA AND HERZEGOVINA

JAVNA USTANOVA CENTAR ZA EDUKACIJU SUDIJA I TUŽILACA
JAVNA USTANOVA CENTAR ZA EDUKACIJU SUDACA I TUŽITELJA
ЈАВНА УСТАНОВА ЦЕНТАР ЗА ЕДУКАЦИЈУ СУДИЈА И ТУЖИЛАЦА
PUBLIC INSTITUTION CENTRE FOR JUDICIAL AND PROSECUTORIAL TRAINING OF FBiH



Broj: 01-11 - 38 - 13 /21
Sarajevo, 05. 03. 2021

Na osnovu člana 69. stav 1. tačka a.) i člana 70. stav (1) i stav (3) Zakona o javnim nabavkama Bosne i Hercegovine ("Službeni glasnik BiH", broj 39/14,) direktor Centra za edukaciju sudija i tužilaca u Federaciji BiH - dalje: Centar, d o n o s i

ODLUKU

O IZBORU NAJPOVOLJNIJEG PONUĐAČA ZA NABAVKU ŠTAMPARSKIH USLUGA

I

Na osnovu rezultata provedenog postupka konkurentskog zahtjeva za dostavu ponuda za dodjelu ugovora o nabavci usluga štampanja materijala za potrebe Centra i provedene e-aukcije, dodjeljuje se ugovor najpovoljnijem ponuđaču u predmetnom postupku: "PRINT - GS" d.o.o. Travnik.

II

Ugovor sa izabranim dobavljačem zaključit će se na period od jedne (1) godine.
Prije zaključenja ugovora izabrani Ponuđač dužan je u roku od 7 dana od dana dostavljanja obavještenja o dodjeli ugovora dostaviti dokumente kako to propisuje Zakon o javnim nabavkama BiH u članu 45. stav 2. tačka a.), b.), c) i d).

III

Odluka stupa na snagu danom donošenja i objavit će se na internet stranici Centra.

OBRAZLOŽENJE

U skladu sa Planom nabavki za 2021. godinu, na osnovu Odluke broj: 01-11-38-01-2.16/21 od 27.01.2021. godine, Komisija za javne nabavke Centra, imenovana Odlukom broj: 01-11-29-01/21 od 26.01.2021.godine provela je postupak konkurentskog zahtjeva za dostavu ponuda sa provođenjem e-aukcije. Obavještenje o javnoj nabavci objavljeno je 02.02.2021.godine na Portalu javnih nabavki, broj obavještenja: 735-7-2-5-3-4/21.

Poziv za dostavu ponuda dostavljen je na e-mail adrese četiri potencijalna ponuđača i to: BLICDRUK d.o.o. Sarajevo, RIGHTCOPY d.o.o. Sarajevo, GRAFIČKI STUDIO "EUROTREND" d.o.o. Sarajevo, i SVJETLOST BH PRINT d.o.o. Sarajevo.

Tendersku dokumentaciju sa Portala javnih nabavki preuzelo je 35 potencijalnih ponuđača.

U roku određenom tenderskom dokumentacijom svoju ponudu dostavili su šest (6) ponuđača: ponuda ponuđača COLORIS d.o.o. Sarajevo, ponuda dostavljena 17.02.2021.godine u 12:40 sati, ponuda ponuđača BLICDRUK d.o.o. Sarajevo, ponuda dostavljena 22.02.2021.godine u 12:45 sati, ponuda ponuđača LABIRINT d.o.o., ponuda dostavljena 23.02.2021.godine u 09:30 sati, ponuda ponuđača EUROSTAR d.o.o.,

ponuda dostavljena 23.02.2021.godine u 09:30 sati, ponuda ponuđača PRINT –GS d.o.o., ponuda dostavljena 23.02.2021.godine u 10:15 sati, i ponuda ponuđača GRAFIČKI STUDIO EUROTREND d.o.o., ponuda dostavljena 23.02.2021.godine u 11:20 sati.

Javno otvaranje ponuda održano je 23.02.2021. godine. Konstatovano je da su ponude dostavljene u zatvorenim i zapečaćenim kovertama sa naznakom „Ponuda za dodjelu ugovora za nabavku usluga štampanja materijala za potrebe Centra za edukaciju sudija i tužilaca u Federaciji BiH”.

Cijene ponuda su zapisnički konstatovane i javno saopštene, kako slijedi:

R. br.	PONUĐAČ	Cijena na (javnom) otvaranju KM (bez PDV-a)	Popust na cijenu (KM)	Cijena sa popustom bez PDV-a(na javnom otvaranju)
1.	COLORIS d.o.o.	13.144,95	1.909,95	11.235,00
2.	BLICDRUK d.o.o.	11.975,50	0%	11.975,50
3.	LABIRINT d.o.o.	7.612,60	0%	7.612,60
4.	EURO STAR d.o.o.	5.203,00	0%	5.203,00
5.	PRINT-GS d.o.o.	11.287,50	0%	11.287,50
6.	GRAFIČKI STUDIO EUROTREND d.o.o.	13.989,69	2.032,69	11.957,00

Na sastanku Komisije održanom nakon javnog otvaranja, izvršena je provjera kvalifikacija kandidata.

U skladu sa tačkom 1.8 u vezi sa tačkom 1.1.3. Tenderske dokumentacije, *ponuđači su bili obavezni dostaviti uzorak papira Pergament Naturale 230g*. Naglašeno je da se ponude ponuđača koji nisu dostavili traženi uzorak papira neće uzimati u razmatranje i da će biti odbačene.

Ponuđači BLICDRUK d.o.o. Sarajevo, PRINT-GS d.o.o. Travnik i GRAFIČKI STUDIO EUROTREND d.o.o. Sarajevo, dostavili su uzorak papira Pergament Naturale 230g. Ponuđači, LABIRINT d.o.o. Zenica i EURO STAR d.o.o. Zenica dostavili su uzorak papira koji ne odgovara vrsti papira Pergament Naturale 230g. Ponuđač COLORIS d.o.o. Sarajevo nije dostavio traženi uzorak papira. Slijedom navedenog, odbačene su ponude LABIRINT d.o.o. Zenica, EURO STAR d.o.o. Zenica i COLORIS d.o.o. Sarajevo.

Komisija je nakon pregleda i razmatranja dostavljene dokumentacije i dokaza ponuđača BLICDRUK d.o.o. Sarajevo, PRINT-GS d.o.o. Travnik i GRAFIČKI STUDIO EUROTREND d.o.o. utvrdila da su navedeni ponuđači dostavili validne dokaze o ispunjavanju uslova i zahtjeva iz Tenderske dokumentacije, te da je u tom dijelu njihova ponuda prihvatljiva, a ponuđači kvalifikovani za dalje učestvovanje u postupku.

Komisija je na Portalu javnih nabavki zakazala održavanje e-aukcije i o tome obavijestila kvalifikovane kandidate i pozvala ih da učestvuju u nastavku postupka. Postupak e-aukcije održan je 03.03.2021. godine u 11:30 i trajao je ukupno 34 minuta.

Prema rezultatima provedene e-aukcije definirana je Konačna rang lista ponuđača, kako slijedi

Red.br.	Naziv ponuđača	Konačna cijena bez PDV-a	Rang lista nakon završene e-aukcije
1.	PRINT-GS d.o.o. Travnik	9.300,00	1
2.	GRAFIČKI STUDIO „EUROTREND“ d.o.o. Sarajevo	9.380,00	2
3.	BLICDRUK d.o.o. Sarajevo	9.488,00	3

U skladu sa kriterijem za izbor najpovoljnije ponude: najniža cijena, Komisija je konstatovala da je ponuda PRINT-GS d.o.o. Travnik cjenovno najniža u predmetnom postupku.

Obzirom da je ponuda ponuđača PRINT-GS d.o.o. Travnik ocijenjena kao prihvatljiva, te da je imenovani ponuđač ponudio najnižu cijenu za predmetne usluge, Komisija je predložila prihvatanje ponude i donošenje odluke o izboru ponude PRINT-GS d.o.o. Travnik kao najpovoljnije u predmetnom postupku.

Slijedom navedenog, direktor Centra odlučio je kao u dispozitivu.

Prije zaključenja ugovora izabrani ponuđač dužan je u roku od 7 dana od dana obavještenja o dodjeli ugovora dostaviti dokumente kako to propisuje Zakon o javnim nabavkama BiH u članu 45. stav 2. tačka a.) b.) c.) i d.).

POUKA O PRAVNOM LIJEKU:

Na ovu Odluku dozvoljena je žalba u skladu sa čl. 97. i 101. stav 5.) Zakona o javnim nabavkama BiH.

DIREKTOR
dr.sc. Arben Murtezić

Dostaviti:

- PRINT-GS d.o.o. Travnik
- GRAFIČKI STUDIO „EUROTREND“ d.o.o. Sarajevo
- BLICDRUK d.o.o. Sarajevo
- Odsjeku za finansijske, pravne i opće poslove
- Arhiva